

# Årsplan for Bøhamna barnehage 2024-2025



<i>Innleiing</i>	2
<i>Presentasjon av barnehagen</i>	3
Fysiske rammer	3
Kontaktinformasjon	3
<i>Vår visjon, målsettingar og arbeidsmåtar</i>	4
<i>Område 1: Ivareta barnas tryggleik og helse</i>	5
Vaktordningar, kompetanse og dagsrytme	5
<i>Område 2: Skape tryggleik, gode relasjonar og eit inkluderande miljø</i>	7
Overgangar	7
Danning gjennom omsorg, leik og læring	11
Sosiale kompetanse - ein forutsetning for å fungere i ulike samspel	13
Satsingsområde: Psykososialt læringsmiljø og «Trygghets sirkelen»	14
Arbeid med språk og språkmiljø	15
Samarbeid med heimen	16
Arbeid i personalgruppa	17
Tidleg og samordna innsats - tverrfagleg samarbeid	19
<i>Område 3. Eit Aktivt og spennande miljø</i>	20
Fagområder	20
Den digitale praksis i barnehagen	20
Nærmiljø og samarbeidspartar	21
Gjennomgåande tema: Alf Prøysen	22
<i>Årshjul for Bøhamna barnehage</i>	23
<i>Dokumentasjon og synleggjering</i>	25

## **Innleiing**

Denne årsplanen byggjer på Rammeplan for barnehagar.

Årsplanen byggjer og på lokale planar for oppvekst i Midt-Telemark kommune.

Personalet har i samarbeid arbeida fram målsettingar og arbeidsmåtar. Jamlege observasjonar, refleksjonar og evalueringar av praksis er utgangspunkt for denne planen. Planen er fastsett av samarbeidsutvalet for barnehagen.

Planen er eit arbeidsverktøy for personalet, eit samarbeidsverktøy mellom tilsette og foreldre og den skal synleggjere barnehaganes mål og arbeidsmåtar.

Planen viser korleis vi skal arbeide på eit overordna nivå; det som skal gjennomsyre vårt daglege arbeid.

Den gjev ikkje detaljere føringar for veker og dagar. Vekeplanar og dagsplanar må til ei kvar tid tilpassast barnegruppene gjennom året. Det må derfor gjerast gjennom dei møte- og planleggingsarenaar vi har utover i året.

Dette året har vi omorganisert dei to største avdelingane, Revehiet og Tyrihans, frå å være aldersblanda til og bli meir aldersdelt.

Vi ser fram til eit spennande og nytt år i Bøhamna barnehage!

## **Presentasjon av barnehagen**

Bøhamna barnehage er ein av 3 kommunale barnehagar i Midt-Telemark.

Vi har 4 avdelingar.

Småbarnsavdelingane Veslefrikk og Nøtteliten med 12 barn kvar i alderen 1-2 år.

Tyrihans har 20 barn i alderen 2-4 år. Revehiet har 24 barn i alderen 4-5 år.

Alle avdelingane har 4 årsverk i grunnbemanning, dvs. 2 pedagogar og 2

fagarbeidarar/assistentar. Det kan i tillegg være bemanning for barn som treng ekstra støtte.

Barnehagen har og ein spesialpedagog som et ledd i førebygging og tidleg innsats. Stillinga er ein del av barnhagens daglege bemanning og er knytt til alle 4 avdelingar.

Med sin nærleik til USN, har studentar prioritet ved opptak.

### **Fysiske rammer**

Barnehagen ligg i sentrumsnære områder ved universitetet. Nærmaste naboar er universitetet med løpebane, skaterampe, skiløyper, skøytebane og Kroa i Bø. I nærmiljøet har vi og skogområde ved Bøhaugen (Nøtteskogen) og Niståsnabben. Vi har kort veg til Gullbring kulturanlegg med svømmebasseng, Evjudalen, bibliotek m.m.

Vi har utvikla ein grønsakhage saman med foreldre og studentar, i skogområdet nedanfor Bøhaugen.

### **Kontaktinformasjon:**

Telefon:

Hovednr.: 35 05 95 60

Avd. Tyrihans: 40 91 47 65

Avd. Revehiet: 40 91 47 63

Avd. Veslefrikk: 40 91 47 66

Avd: Nøtteliten: 40 91 47 64

Styrar: 97 10 19 88

e-post: ashe@mt.kommune.no

## Vår visjon, målsettingar og arbeidsmåtar

Visjonen vår er: « **Eg og du - Her og nå - På veg mot framtida** »


På denne figuren finn vi vår visjon i midten.

Det er 4 hovudområde vi må arbeide på til dagleg.:

1. Ivareta barnas tryggleik og helse
2. Gode relasjonar i eit mangfaldig og inkluderande miljø
3. Skape eit aktivt og spennande miljø
4. Dokumentere og synleggjere verksemda

Dei sirkclar rundt visjonen vår i ei prioritera rekkefølge.

Dei er nært knytt til kvarandre, og går til dels over i kvarandre.



# Område 1: Ivareta barnas tryggleik og helse

## Vaktordningar og kompetanse

Vi må til ei kvar tid sørge for å ha vaktordningar som gjev den best moglege vaksentettleiken gjennom dagen.

Dei tilsette skal ved oppstart av nytt barnehageår repetere beredskapsplanar og sjekkrutiner. I løpet av hausten skal det gjennomførast førstehjelpskurs for alle tilsette.

Vi skal ha rutinar for opplæring av nye vikarar og sørge for at dei ikkje har vakter der dei går aleine.

## Dagsrytme

- 07.15: Barnehagen opnar  
Barn og foreldre takast imot, og informasjon blir utveksla  
Frukost for dei som ikkje har ete heime  
Leik  
Organisera aktivitetar i ulike grupper inne og ute
- 11.00: Måltid
- 12.00: Soving for dei som treng det  
Leik  
Organisera aktivitetar inne og uteleik
- 14.00: Måltid m/frukt  
Leik/Organisera aktivitetar  
Avskjed og takk for i dag
- 16.45: Barnehagen stenger  
Barna skal være ute av barnehagen til denne tida

Vi ber om at foreldre gjev beskjed, dersom barnet kommer etter kl. 09.30 på dagen, eller om det skal ha fri, eventuelt er sjuk.

Avdelingane følgjer i hovudsak denne dagsrytma, men må tilpassast dei behov barna har. Spesielt på småbarnsavdelingane vil dei minste barnas mat -og sove tider måtte tilpassast det einskilde barnet.

Organiseringa skal skape god balanse mellom aktivitet og kvile.

Måltida skal organiserast i samsvar med nasjonale retningslinjer for mat i barnehagen:

<https://www.helsedirektoratet.no/retningslinjer/mat-og-maltider-i-barnehagen#>

Barnehagen skal ha lik påleggsmeny og eventuell varmmat meny på kvart kjøkken.

Frukt og grønt skal og være beskrive i denne oversikten.

Innhaldet skal gjerdast kjent for dei føresette

Dagsrytma er viktig for barnas oppleving av tryggleik og ein forutsigbar kvardag.

Samtidig må det være rom for fleksibilitet, for å tilby barna ein variera og spennande barnehage kvardag, der deira leikelyst og forskartrøng blir stimulera.

Tidspunkt og innhald i aktivitetane må derfor evaluerast med jamne mellomrom, og planleggast meir detaljera i høve til behov dei ulike barn, grupper og avdelingar har.

### **Trafikksikker kommune**

Midt-Telemark blei godkjent som Trafikksikker kommune. I den samanheng er det laga eigen plan for skular og barnehagar som vi følgjer, knytt til arbeid med trafikkopplæring og trafikksikkerheit:

[Trafikksikkerhetsplan \(midt-telemark.kommune.no\)](https://www.midt-telemark.kommune.no/trafikksikkerhetsplan)

## **Område 2: Gode relasjonar i eit mangfaldig og inkluderande Miljø**

### **Overgangar**

#### **Frå heim til barnehage - Småbarnsavdelingane: Veslefrikk og Nøtteliten**

Med mange nye barn, som startar barnehagelivet sitt på hausten vil hovudfokuset være å bli kjent og skape trygg tilknytning til dei vaksne. Det inneber at personalet må lære dei nye barna og foreldra å kjenne. Dei nye barna skal bli trygge på vaksne, og på kvarandre, og få oversikt over det nye livet i barnehagen. Barna som gjekk på avdelinga i fjor må og få høve til å finne si nye rolle i gruppa og lære dei nye å kjenne.

Etter kvart knyt barna seg til kvarandre, og dei vaksne hjelper til slik at dei utviklar venskap og tilhørighet i gruppa.

#### **Til ny avdeling**

##### **Mellomstor avdeling: Tyrihans**

På Tyrihans er det mange barn som har skifta avdeling denne hausten. To av barna gjekk på Tyrihans førre barnehageår, 3 barn gjekk på Revehiet, 7 barn gjekk på Veslefrikk, 6 barn gjekk på Nøtteliten og to barn er heilt nye i barnehagen. På våren/forsommaren 2024 har barn og vaksne som skal vera saman på denne avdelinga, brukt noko tid saman på denne avdelinga, slik at overgangen i august skal bli best mogleg.

Frå oppstart i august og utover hausten må barn og vaksne bruke god tid på å bli kjent med kvarandre. Det er viktig å etablere rutinar og aktivitetar som skaper tryggleik og gode dagar, tilpassa denne aldersgruppa. Vaksne skal hjelpe barna med å finne seg til rette i gruppa, skape relasjonar og vennskap.

##### **Den største avdelinga: Revehiet**

På denne avdelinga er det barn som året før gjekk på Tyrihans og Revehiet. Dei har god kjennskap til kvarandre, og lengre barnehage erfaring enn barna på dei andre avdelingane. Likevel skal dei finne saman som gruppe og skape nye relasjonar. Det kan og være utfordrande, men spennande og lærerikt når ein får god støtte og lykkas.

Avdelinga får og eit nytt barn, som det er viktig at blir inkludera godt i gruppa frå starten av. Dei eldste (født i 2019) skal være i skoleklubb 1-2 dagar i veka.



**Tiltak:**

- Skriftleg informasjon til nye barn og foreldre i løpet av mai måned (før nytt år)
- Foreldremøte, samtalar og besøksdagar i mai/juni for dei som er nye frå hausten.
- Plan for overgangsaktivitetar for barn som skifter avdeling, samt foreldresamtalar/overgangssamtaler
- Samtaler med dei nye foreldra dei fyrste dagane ved oppstart
- «Lille Mari Marihøne» og illustrasjonane derifrå, som eit kjent overgangsobjekt for alle dei nye barna på småbarnsavdelingane. Barna får kvar si bok i god tid før oppstart
- Vaksne som har tett kontakt med barn og foreldre
- Ha samlingsstunder for å bli kjent som gruppe
- Øve på namn ved å synge namnesangar, henge opp bilete
- God tid til leik der vaksne er til stades og deltakande
- Ha gode rutinar for barna som gjev tryggleik og forutsigbarhet

Vi legg vekt på at barna skal få ein god start på dagen. Vi vil møte barn og foreldre i garderoben/på avdeling når dei kommer. Barna skal føle seg velkomne, og det skal være tid til å utveksle informasjon.

## Frå barnehage til skule

Siste året før skulestart har barna aktivitetar i eiga gruppe ein til to dagar i veka. Den kallas for "skuleklubb".

### Mål for skuleklubb:

- Positive forventningar til å starte på skulen
- Kjenne meistring
- Opplive glede
- Kunne sitte i ro, ta i mot beskjedar
- Kunne nokre regelleikar

### Tiltak:

- Barna får egne arbeidsbøker eller permar
- Korte arbeidsøker med spill, oppgåver m.m.
- Leik og planlagde aktivitetar inne og ute
- Trene seg på riktig påkledning
- Turar i nærmiljøet; både i skogen og i trafikken
- Skulebesøk
- Overgangssekk - sekk med innhald som dei vil kjenne igjen på Bø skule og Folkestad skule

Barnehagane og barneskulane i Bø har saman laga ein plan for at overgangen frå barnehagen til skulen skal bli best mogleg:

[samarbeidsplan-bhg-skule-i-bo.doc \(live.com\)](#)

Besøksdagar på skulen, overgangsmøter mellom personalet i barnehagen og skulen, er noko av det som blir beskrive i planen.

Vi vil arbeide for at vi saman med barnehagane og skulane i Bø kan vidareutvikle gode samarbeidsformer.

Vi har ofte barn som flytter til andre kommunar etter tida i barnehagen. Da er det nokre praktiske begrensingar i samband med samarbeid med kvar skule barn hos oss skal på. Det er likevel viktig at vi har gode rutinar for dei barna som skal starte på skule i ein annan kommune enn Midt-Telemark. Dette må vi samarbeide med foreldra om.

Det aller viktigaste for alle barna som skal over til skulen, er å bidra til god sjølvkjensle, gjere dei trygge, slik at dei er godt rusta til å møte ukjente situasjonar og være i stand til å samhandle i ulike fellesskap.

Dette arbeider vi med heile tida i barnehagen, blant anna gjennom arbeidet med relasjonar, sosial kompetanse, kommunikasjon og språk som er omtala i årsplanen vår

## Danning gjennom omsorg, leik og læring

- Barnehagen skal i samarbeid og forståing med heimen ivareta barnas behov for omsorg og leik, og fremme læring og danning som grunnlag for allsidig utvikling.
- Barnehagen skal bygge på grunnleggande verdiar i kristen og humanistisk arv og tradisjon, slik som respekt for menneskeverdet og naturen, åndsfridom, nestekjærleik, tilgjeving, likeverd og solidaritet, verdiar som kommer til uttrykk i ulike religionar og livssyn som er forankra i menneskerettane.

### **Dette vil vi oppnå gjennom:**

- Vaksne som gode rollemodellar
- Vaksne som gjev tryggleik gjennom å være tydlege og viser omsorg
- Nært samarbeid med alle foreldra
- Glede ved å være ute i naturen og nærmiljøet
- Respektere leiken som barnet sitt uttrykksform og gje leiken gode rammevilkår
- Glede ved å samhandle og utvikle vennskap med andre barn
- Utvikle den enkeltes evne til empati
- Kjennskap til tradisjonar i norsk kultur og kulturar som er representera i barnehagen
- Delta og bidra i barnehagens nærmiljø
- Psykososialt læringsmiljø som overordna arbeidsområde
  - Nytte «Handlingsplan for et trygt og godt psykososialt barnehagemiljø»
  - Arbeide med modellen «Trygghetssirkelen»

## Barns medverknad

- Barna har rett til medverknad tilpassa sin alder og forutsetningar.
- Barn i barnehagen har rett til å gi uttrykk for sitt syn på barnehagens daglege verksemd.
- Barn skal få høve til aktiv deltaking i planlegging og vurdering av barnehagens verksemd.
- Barn skal bli sett, «tatt med på laget» av andre barn og vaksne
- Alle barn skal oppleve demokratisk deltaking ved å bidra og medverke i eit mangfaldig miljø

### Dette vil vi å oppnå i barnehageåret.

- Vaksne som aktivt lyttar til verbalt språk og non-verbalt språk i daglege aktivitetar
- Vaksne som anerkjenner barns følelsar
- Vaksne som rettleiar og hjelper barna til å løyse konflikhtar
- Mykje leik der vaksne er observatørar, rettleiarar, tilretteleggerar og deltakarar
- Barn som får uttrykkje seg i samtalar, samlingsstunder m.m.
- La barna få trening i å lytte til andre



## **Sosial kompetanse – ein forutsetning for å fungere i ulike samspel**

### **Småbarnsavdelingane Veslefrikk og Nøtteliten**

Det å forholde seg til andre og bli trygg på seg sjølv er grunnleggande ferdigheter menneske utviklar. Barna på desse avdelingane er i starten av livet og er nå i ferd med å tileigne seg denne kompetansen. Vi skal legge forholda til rette for at barna skal oppnå dette. Tidleg erfaring med jamaldrande barn, trygge og tydelege vaksne er viktig for å nå måla. Jmf. Rammeplanen handlar sosial kompetanse om å kunne samhandle positivt med andre i ulike situasjonar. Dei tilsette skal være til stades for barna, observere og være delaktig i barnas kvardag. I leiken gjer barna relasjonsarbeid heile tida. Dei søker kontakt, etablerer og opprettholder relasjonen eller blir avvist. Mykje av tida i barnas leik må vaksne sitte på golvet eller ved bordet, i graset, midt i aktiviteten til barna ute og inne, hjelpe og rettleie.

### **Dei større avdelingane Tyrihans og Revehiet**

Barns utvikling av sosial kompetanse inneber i stor grad evne til å ha gode relasjonar til andre menneske. Det er da viktig at barn er del av eit miljø der toleranse, inkludering og respekt er sentralt. I barnehagen har vi eit rikt mangfald, der vi på ulike vis kan hjelpe barna med kunnskap og erfaringar som gjer at dei ser gleda over at vi er forskjellige, skapar nysgjerrigheit, skapar gode haldningar til at vi alle i så måte er unike, og at alle er eit godt bidrag til fellesskapet.

#### **Tiltak:**

- Dele barna inn i små grupper
- Være lyttande vaksne og gode rollemodellar
- Møte barn på ein støttande og anerkjennande måte
- Temaarbeid som styrker sosial utvikling spesielt
- Sette av god tid til leik
- Legge til rette for oppgåver som krev samarbeid
- Vaksne som rettleiar og hjelper barna i spontane situasjonar som oppstår
- Arbeide særskilt med psykososialt miljø
- Arbeide med utvikling av språk og språkmiljø


## Satsingsområde: Psykososialt læringsmiljø og «Trygghets sirkelen»

Kapittel 8 i barnehagelova omfattar barnehagens psykososiale læringsmiljø. Barnehagane i Midt-Telemark har utvikla ein felles plan for det psykososiale barnehagemiljøet:

[handlingsplan-for-et-trygt-og-godt-psykososialt-barnehagemiljo.pdf](http://handlingsplan-for-et-trygt-og-godt-psykososialt-barnehagemiljo.pdf) (midt-telemark.kommune.no)

I dei to føregåande barnehageåra har vi jobba med eit utviklingsarbeid knyt til modellen «Trygghets sirkelen» (CosP). Denne satsinga held fram.

- Barnehagens mål for arbeidet med Trygghets sirkelen:  
«Barna erfarer at alle voksne handlar i tråd med Trygghets sirkelen»
- Tiltak i arbeidet med Trygghets sirkelen:  
Gjennom ReKomp ordninga nytte rettleiing frå USN med gode utviklingsplanar for avdelingane og den enkelte tilsette for å nå overordna mål for barnehagen



## **Arbeid med språk og språkmiljø**

Språkferdigheter er viktig for barnas utviklingsmoglegheiter i barnehagen.

Vi har føringar i rammeplanen, og forskning som viser nettopp dette.

Rammeplanen seier at «Barnehagen skal være bevisst på at kommunikasjon og språk påverkar og blir påverka av alle sider ved barnet si utvikling. Gjennom dialog og samspel skal barna støttast i å kommunisere, medverke, lytte, forstå og skape meining. Barnehagen skal anerkjenne og verdsette barnas ulike kommunikasjonsuttrykk og språk, medrekna teiknspråk. Alle barn skal få god språkstimulering gjennom barnehagekvardagen, og få delta i aktivitet som fremjar kommunikasjon og ei heilskapleg språkutvikling» (R.p. 2017, s.23)

### **Tiltak:**

- Vaksne med kompetanse og gode språkmodellar
- Utvikle forteljarglede og leseglede
- Tema arbeid om Alf Prøysen sine songar og fortellingar
- Tiltak for utvikling av sosial kompetanse gjeld også her
- Språkgrupper for fleirspråklege og for barn som treng stimulering og oppfølging i mindre grupper
- Aktiv bruk av modell for spesialpedagogisk hjelp



## **Samarbeid med heimen**

I formålsparagrafen i barnehagelova står det mellom anna: «Barnehagen skal i samarbeid og forståing med heimen vareta barnas behov for omsorg og leik, og fremje læring og danning som grunnlag for allsidig utvikling».

Jamfør rammeplanen skal personalet og foreldra samarbeide til barnets beste på individ -og gruppenivå. Dei skal samarbeide ut i frå at barnehagen har eit samfunnsmandat og verdigrunnlag som det er barnehagen si oppgåve å forvalte.

### **Mål**

Vi skal skape eit miljø:

- der foreldre og personale er opne om sine forventningar til kvarandre
- der ein kan være fleksibel og ta individuelle omsyn, til beste for det einskilde barn og gruppa

### **Korleis nå måla:**

- Dagleg kontakt ved levering og henting
- Foreldremøter
- Startsamtarar med nye foreldre
- Overgangssamtalar for dei som skifter avdeling
- Foreldresamtalar minst ein gang i året
- Samtalar etter behov som begge parter kan ta initiativ til
- Årleg brukarundersøking
- Møter i samarbeidsutvalet (Su) og foreldreutval (Fau)
- Informasjon og periode planer til heimen via Visma foreldreapp
- Informasjon om kven tilsette og vikarar barna møter på avdelingar, via planar/brev og ved bilete i garderobane
- Dugnad

## **Foreldreråd, foreldreutval (Fau) og samarbeidsutval (Su)**

I følge barnehagelova er alle foreldre i barnehagen medlemmer av foreldrerådet. Dei vel sine representantar til samarbeidsutval.

Vedtekter for Midt-Telemark kommune seier at barnehagen skal ha eit Foreldreutval (Fau) som har ein representant frå kvar avdeling med kvar sin vara. Desse vel igjen sine 2 representantar til samarbeidsutvalet (su).

Samarbeidsutvalet er eit lovfesta kontaktskapande, samordnande og rådgivande organ for barnehagen.

Foreldre og tilsette skal være likt representera.

Personalet vel sine 2 representantar og 2 vararepr. på planleggingsdagar i august.

Foreldre vel sine 2 representantar og 2 vararepr. på foreldremøtet i september.

Eigar har ein politikkrepresentant i Su

## **Arbeid i personalgruppene**

Rammeplanen seier mellom anna dette: "Barnehagen er ein lærande organisasjon der heile personalet skal reflektere rundt faglege og etiske problemstillingar, oppdatere seg og vere tydelege rollemodellar. Dei skal ivareta relasjonar mellom barna i grupper, mellom barn og personalet og mellom personalet og foreldre" R.p 2017

Rammeplanen gir tydelege føringar for ansvaret til eigar, styrar og pedagogisk leiar/barnehagelærar når det gjeld å drive utvikling.

Planlegging, observasjon, vurdering og fagleg påfyll er nødvendig for å fremje dette målet. Refleksjon over eigen praksis saman med kollegaer er eit viktig verktøy i arbeidet.

### **Mål**

- Godt samarbeid og god kommunikasjon mellom dei vaksne - nødvendig for å oppnå eit klima kor ein kan være i positiv "endring og utvikling".
- Vidareutvikle organisering og det heilhetlege miljøet i barnehagen
- Utvikle den enkelte tilsette sin kompetanse og personalgruppa sin kompetanse
- Tilsette som kjenner glede og engasjement i arbeidet sitt

### Korleis nå måla:

- God og tydeleg struktur og arbeidsfordeling på den einskilde avdeling, og i barnehagen som heilhet
- Ha ein møteplan med struktur som ivaretek medverknad og nødvendig kommunikasjon mellom dei som skal arbeide saman, på avdelinga, på tvers av avdelingar og for personalgruppa som heilheit innanfor den totale møtetida ein har til rådighet.
- I dei ulike møta må satsingsområda våre være tema og følgast systematisk opp
- Tilby kvarandre hjelp mellom avdelingane
- Medarbeidarsamtalar/utviklingssamtalar minst 1 gang pr. år
- Følgje plan for tverrfagleg samarbeid med PPT, Helsestasjon og barnevern
- Nytte «Handlingsplan for et trygt og godt psykososialt barnehagemiljø»
- Delta i Regional kompetanseutvikling (ReKomp) i regi av USN og Statsforvaltaren
- Følgje opp arbeidet i den kommunale satsinga SAMAN MOT: Trygge vaksne-trygge barn. Forebygging av vald og overgrep mot barn og unge – RVTS Sør er faginstans
- Nytte den digitale rettleiaren for barn som bekymrar, «Se meg»
- Den enkelte tilsette gjer seg noko kjent med alle barn i barnehagen utover i året



### **Korleis ser vi at vi er i rett utvikling**

- Barn som trivst og er i fin utvikling
- Vaksne som viser interesse for alle barna
- Vaksne som gjev kvarandre nødvendig informasjon for å ivareta enkelte barns behov
- Vaksne som tar initiativ til aktivitetar og spør «Kven vil være med å.....»
- Vaksne som ynskjer å seie «ja» til ulike initiativ frå ungar og vaksne – tenke seg om før ein seier «nei»
- Barn som gradvis blir trygge på alle vaksne på huset vårt.
- Vaksne som dreg nytte av kvarandre sine interesser og kompetanse, og såleis utviklar eit spennande leike –og læringsmiljø.

### **Tidleg og samordna innsats – tverrfagleg samarbeid**

#### **Instansar vi samarbeider mykje med:**

- PPT (Pedagogisk psykologisk teneste) i Midt Telemark har fast tid i barnehagen 3 torsdagar i halvåret
- Midt Telemark barnevernsteneste
- Helsestasjonen i Bø
- SKI-Senter for kvalifisering og inkludering

Vi har 2 tverrfaglege møter på hausten og 3 på våren. Her deltar styrar, ped.leiarar, spesialpedagog, PPT, barnevern og helsestasjonen.

Foreldre kan og delta i møtene. Da avtalar vi kven av dei andre møtedeltakarane som er aktuelle i dei ulike sakene.

Både personale og foreldre kan be om råd og rettleiing frå disse instansane.

I tilknytning til enkeltbarn er det alltid i samarbeid med foreldra.

I dette arbeidet fylgjer vi Midt-Telemark kommune sin plan for spesialpedagogisk hjelp i barnehagane.

## Område 3. Eit Aktivt og spennande miljø

### Fagområder

Rammeplanen definerer 7 fagområde som barnehagen skal gi erfaring og opplevingar innanfor. Områda skal sjåast i samanheng og vere ein gjennomgåande del av innhaldet i barnehagen. Dei 7 områda er:

1. Kommunikasjon, språk og tekst
2. Kropp, rørsle, mat og helse
3. Kunst, kultur og kreativitet
4. Natur, miljø og teknologi
5. Etikk, religion og filosofi
6. Nærmiljø og samfunn
7. Mengd, rom og form

Bøhamna sitt arbeid med desse fagområda er beskrive i ein eigen progresjonsplan:

[PROGRESJONSPLAN FOR FAGOMRÅDENE I RAMMEPLANEN FOR BØHAMNA BARNEHAGE \(midt-telemark.kommune.no\)](http://midt-telemark.kommune.no)

### Den digitale praksis i barnehagen

Rammeplanen seier at den digitale praksisen i barnehagen skal bidra til leik, kreativitet og læring. Dei **vaksne skal delta saman med barna** i bruken av digitale verktøy og utøve digital dømmekraft.

Vi må jamleg reflektere over og vurdere korleis barnehagen arbeider i samsvar med denne målsettinga.

Vi vil følgje kommunen sin digitaliseringsplan for oppvekst, som er under utarbeiding.

## Gjennomgåande tema for året: Alf Prøysen

Vi har valt temaet Alf Prøysen da han er ein av våre store diktarar og representerer ein kulturskatt som vi vil bringe vidare til barna.

Song, musikk, eventyr og forteljingar er viktig innanfor alle fagområda.


Det skaper glede, inspirasjon, spenning, kreativitet og mykje meir.

Prøysen hadde ein eigen evne til mellom anna å sette seg inn i barns tankar og kvar song blir som ein historie.

Han song og fortalte på sin eigen dialekt. Slik kan vi og få kjennskap til ulike dialektar og snakke om mangfaldet i språket vårt.

At alle avdelingar har eit felles tema er og viktig for utvikling av fellesskap og heilheit i barnehagen.

Det er eit tema som vaksne har lyst til å arbeide med. Når vaksne er arbeider med noko dei likar, blir og formidlinga til ungane god og vi inspirerer kvarandre.



## Samarbeidspartar i nærmiljøet

- Universitet i Sørøst-Norge .
  - Vi samarbeider om bruk av nærmiljøanlegg
  - Besøk/lån av utstyr frå naturavdelinga
  - Vi er partnerbarnehage for barnehagelærarutdanninga
  - Samarbeid med idrettsstudentar om aktivitetar saman med barna
  - Grønsakhagen vår ved USN bålpanna, er ein del av barnehagens naturlege aktivitetsområde
- Kroa i Bø – lån av lokale til aktivitetar for barn, arrangement
- Bassenget i Gullbring til bading med førskulebarna
- Biblioteket i gata – låner bøker og deltar på lesestund
- Vi vil nytte oss av nærmiljøet og utvikle samarbeid med aktørar i område



## Årshjul for Bøhamna barnehage

Gjennomgående temaarbeid for året: Alf Prøysen – sangene, fortellingene og forfatteren

Kvar avdeling lager planer for tema og aktiviteter tilpassa alder, barnegruppe og årstid

Måneder	Innhold	Uker/datoer
AUGUST	<p>Oppstart</p> <ul style="list-style-type: none"> <li>- Bli kjent med kvarandre og livet i barnehagen</li> <li>- Skape gode rammer og rutiner for tryggleik og utvikling</li> </ul>	<ul style="list-style-type: none"> <li>- Planleggingsdager mandag 12.08 og tirsdag 13.08 (barnehagen stengt)</li> <li>- Nye barn startar frå 14.08, følgjer dei avtaler foreldre har gjort med personalet</li> </ul>
SEPTEMBER	<p>Fortsette «Bli-kjent» prosessar</p> <ul style="list-style-type: none"> <li>- Oppstartsamtaler med nye foreldre</li> <li>- Overgangssamtaler med foreldre til barn som har bytta avdeling</li> </ul> <p>Brannvern</p> <p>Fellessamling - Prøysen</p>	<ul style="list-style-type: none"> <li>- Foreldremøte for hele barnehagen Torsdag 05.09</li> <li>- Brannvernuke uke 38</li> </ul>
OKTOBER	<ul style="list-style-type: none"> <li>- Fortsette overgangssamtaler med foreldre</li> </ul> <p>FORUT-prosjekt: «Hamphless og de ville giraffene»</p> <p>Mangfold og ulike aktivitetar i barnehagen, FN-dagen</p> <p>Fellessamling Prøysen</p>	<ul style="list-style-type: none"> <li>- Markere FN-dagen m/ foreldre Torsdag 24.10 kl 15.00-16.30</li> </ul>
NOVEMBER	<p>Foreldresamtalar</p> <ul style="list-style-type: none"> <li>- <i>for dei som ikkje har hatt samtaler tidligere på hausten</i></li> </ul> <p>DKS-konsert for barnehager: «Ekornes i 100»</p> <p>Fellessamling Prøysen</p>	<ul style="list-style-type: none"> <li>- Onsdag 06.11</li> </ul>
DESEMBER	<p>Advent</p> <p>Juleforberedelser</p> <p>Lucia og Luciadagen</p> <p>Fellessamling Prøysen</p>	<p>Førjulsfest med foreldre torsdag 12.12 ? kl 15.00-16.30</p> <p>Nissefest for barna</p>



Måneder	Innhold	- Uker/datoer
JANUAR	Digital brukerundersøking til foreldra  Fellessamling Prøysen	- Planleggingsdager torsdag 02.01 og fredag 03.01 (Barnehagen stengt)  - Foreldremøte for barn på skoleklubben onsdag 08.01
FEBRUAR	Samisk kultur  Fastelavn og karneval (fastelavnssøndag 02.03)  Vinteraktivitetsdag uke 7?  Fellessamling Prøysen	- Markere samenes nasjonaldag torsdag 06.02 - Karneval fredag 28.02
MARS	Vinteraktivitetsdag uke 10?  <i>Fellessamling Prøysen</i>	- Overgangssamtaler for skolestarterne uke 11-12?
APRIL	Påske  Våropprydding - Rusken aksjon med barna  Fellessamling Prøysen	- Påskefrokost med foreldre fredag 11.04 kl 07.45-09.30  - Uke 18
MAI	  17.mai forberedelser  Fotografering  Øving til sommerfest	- Dugnad m/foreldre onsdag 07.05 17.00-19.00/19.30 - Øve på 17.mai tog med ny fane fredag 16.mai - Fotografen kommer onsdag 21.05
JUNI	Foreldremøte for nye foreldre.  Overgangssamtaler for barn som skal bytte avdeling  Øving til sommerfest  Avslutninger for året	- Tirsdag 03.06 kl 18.00  - Uke 24-26  - Sommerfest onsdag 11.06 kl 16.00-18.00
JULI		Sommerferiestengt i uke 29, 30 og 31.

## Område 4: Dokumentere og synleggjere verksemda

Rammepalen seier at dokumentasjon av barnehagens pedagogiske arbeid kan gje foreldre, lokalmiljøet og kommunen informasjon om kva barn opplever og lærer i barnehagen. Dokumentasjonen kan synleggjere korleis barnehagen oppfyller krav i rammeplanen og barnehagelova

Eit etisk perspektiv skal ligge til grunn ved dokumentasjon av barnegrupper og enkeltbarn.

Slik vil barnehagen arbeide med dette:

- Det skal gis ut avdelingsvis månadsbrev/månadsplan som fortel kva vi har jobba med og vegen vidare, via Visma foreldreapp
- Bilete og små tekstar som synleggjer dagleglivet i barnehagen i Visma app
- Munnleg dokumentasjon i form av daglege samtalar med foreldre
- Nytte nærmiljøet og delta i det, slik vi har omtala tidlegare i planen
- Invitere lokal presse
- Midt-Telemark kommune si heimeside:  
<https://midt-telemark.kommune.no/finn-tjeneste/barnehage/barnehager/bohamna-barnehage-i-bo/>



